



Broj: SS- 406
Datum: 09-12-2022

Sindikat državnih službenika i namještenika u
organima državne službe, sudske vlasti i javnim
ustanovama u Federaciji Bosne i Hercegovine
Sindikalna organizacija FUP Centar za forenzička
ispitivanja, vještačenja i istraživanja
N/r, g-đa Iva Trezner

HITNO!

Na osnovu odredbi člana 8., Zakona o zaštiti od klevete Federacije BiH, (Sl. novine Federacije BiH br. 59/2002, 19/2003 i 73/2005), d o s t a v l j a s e:

**ZAHTJEV ZA ISPRAVKU IZNESENIH LAŽNIH NAVODA
I
OPOMENA PRED TUŽBU**

Poštovani/a,

Sindikat službenika Federalnog ministarstva unutrašnjih poslova informisan je da je Sindikalna organizacija FUP Centar za forenzička ispitivanja, vještačenja i istraživanja jedan o podnosilaca, a Vi kao njeno ovlašteno/odgovorno lice supotpisnik akta – Zahtjev za preispitivanje reprezentativnosti ovog Sindikata kod poslodavca Federalnog ministarstva unutrašnjih poslova (broj 54/22 od 30.11.2022 godine), podnesenog ministru FMUP-a dana 30.11.2022 godine.

U istom aktu, a sa očitim ciljem nanošenja štete Sindikatu službenika FMUP-a, kao osnov za preispitivanje (i oduzimanje reprezentativnosti) izneseno je i trećoj strani, tj. FMUP-u i ministru unutrašnjih poslova FBiH, g-dinu Aljoši Čampari proneseno niz lažnih navoda, među kojima i lažna činjenica na kojoj se temelji predmetni zahtjev, i to, (citiramo):

„Obzirom da su nastupile nove okolnosti tražimo od Vas da preispitate reprezentativnost Sindikata službenika FMUP-a i istu oduzmete iz razloga jer navedeno udruženje ne ispunjava uslove predviđene članom 6. stav (1) Zakona o reprezentativnosti sindikata i udruženja poslodavaca FBiH, odnosno ne ispunjava uvjet da ima najmanje 20% članova u odnosu na ukupan broj zaposlenih kod poslodavca”.

Osim toga, u istom dopisu i sa ciljem nanošenja što veće štete ugledu ovog Sindikata, na više mjesta iznesene su neistinite i ničim potkrijepljene izrazito zlonamjerne tvrdnje, te je u istom kontekstu manipulirano i brojem članova ovog Sindikata **lažno tvrdeći da je isti „ispod 260”**, komparirajući taj broj sa drugim novoformiranim sindikatom. Tu neistinama, nažalost, nije kraj, pa je Sindikat Službenika FMUP-a „prokazan” kao udruženje koje dezavuiše i manipuliše uposlenicima FMUP-e i FUP-e, državnim službenicima i namještenicima, kao i policijskim službenicima.

Legitimno i nesporno pravo Vaše sindikalne organizacije je da se, kao neko ko ima interes da se sa više uspjeha nego što je to imao do sada nametne kod uposlenika, služite svim zakonitim i fer metodama sindikalnog djelovanja, ali je i nesporno da kada to radite iznošenjem lažnih i zlonamjernih činjenica na račun ovog sindikata, i pronošenjem takvih tvrdnji trećim licima, u smislu odredbi člana 4. tačka b) Zakona o zaštiti od klevete FBiH, **radi o kleveti**, za koju isti Zakon u članu 6. predviđa i odgovornost.

Obzirom da ste (su)potpisivanjem predmetnog zahtjeva sa neistinitim činjenicama saučesnik u kleveti, od Vas zahtijevamo da odmah po prijemu ovog zahtjeva povučete svoj zahtjev upućen ministru, a ukoliko i dalje smatrate da je predmetni zahtjev potreban i osnovan, podnesete novi ispravljeni zahtjev bez gore navedenih klevetničkih elemenata, kao i da najkasnije u roku od 3 (tri) dana od dana prijema ovog Zahtjeva, **objavite dokaze za svoje nestinite tvrdnje o broju članova ovog Sindikata na kojima temeljite Zahtjev za preispitivanje reprezentativnosti**, kao i dokaze „dezavuisanja i manipulisanja uposlenicima” koje nam inputirate, o tome obavijestite treću stranu – ministra FMUP-a, svoje članstvo i druge uposlenike (kako ne bi bili dalje dezavuisani i manipulirani u tom pogledu), **a ovom Sindikatu uputite javno izvinjenje**. U protivnom, kao oštećeni, bićemo prinuđeni da zaštitu svog ugleda i satisfakciju ostvarujemo pred nadležnim sudom u zakonom predviđenom postupku.

U prilog Vašoj zloj namjeri govori i činjenica da ste tačne i pouzdane informacije o broju članova ovog Sindikata prije podnošenja predmetnog zahtjeva za preispitivanje reprezentativnosti ministru FMUP-a mogli dobiti od strane nadležnih službi za MAT-FIN FMUP-a i FUP-e putem zahtjeva za slobodan pristup informacijama, u skladu sa Zakonom o slobodi pristupa infomacijama, ali to ipak niste učinili.

P.S. O postupku Vaše Sindikalne organizacije obavijestiti ćemo i Sindikat čiji ste organizacijski dio, a radi pravilnog adresiranja eventualnog odštetnog zahtjeva u kontekstu solidarne odgovornosti za štetu.

S poštovanjem,



Dostavljeno:

- Naslovu;
- Sindikat državnih službenika i namještenika FBiH;
- a/a

Sarajevo, Ulica Mehmeda Spaha broj 7
Telefon: +387 33 280-020
fmup-sindikat@outlook.co

TRANSAKCIJSKI RAČUNI:
Unicredit banka 3383202251204430
Identifikacioni broj: 4200855500004